

مدیر مسئول

احمد شیرانی



اعتماد

صاحب امتیاز

احمد شیرانی



۲ — سنه

واعتصموا

۷۱ — عدد

۸ بیان

۱۳۳۶ سنه

{ هر پنجشنبه کونی نشر اول نور }

۱۸ رجب الفرد

۱۳۳۸ سنه

هپ او ذوقه واصل اولمق ایچوندر . اوندن بشقه مستحق محبت یوقدر . هرکیمه
 صورارسه کز الهی سوه دم ، دیر ؛ فقط همان ایستایکیز . بویه سویله یئلرده نشانه
 محبت آرایکیز . محبت افعال قلوبنددر . فقط اعضا و جوارحه تأثیر ایدجک قدر
 قوی اولمایان بر محبت میوه سز بر آغاج حکمنده در . الهی سوهن او امرینه امتثال ،
 مناهیدن اجتناب ایدندر .

مابعدی وار

معلم محمد صادق

بخاراده علم و علما

- مابعد -

ا کر علما کز ، حقیقه علما ایسه لر ، او امر الهیه نک تطبیق و اجراسنه
 طرفدار بولونویورسه لر ایشته میدان خالی . بسم اه بویورسونلر ، اسلامک ترقیه ،
 بر آوج امت محمدک ظلم یوکنندن تخلیصی ایچین چالیشینلر . اله ، پیغمبر ، اولیا ،
 ملائکه اولمایان ، درت کوزی ، سکز آیانغی بولونمایان ، علوم دینییه دن ، فنون سیاسیه دن
 مختصر معلوماتی اولمادینی کی اوقومق ، یازمق بیله بیلمه بن بر حاکمک دست ظلمندن
 خاقی قورتارینلر .

م -- بونلر ، علما وظیفه سی دکلدز ، امیره عائد ایشلددر . علمانک رضای امیره
 مخالف سوز سویلمه نه حدی واردر ؟

ا -- یالان سویلبورسکز . امیرک رأی مبارکی بو صورتله مظالم ایقاعنه اصلا
 رضا کوسترمز . شوقدر وارکه ذات فخامتاری بر کیشی اولدینی ایچون رعیه نک
 فرداً فرداً احوالی بالذات تدقیق و مشاهده مه موفق اولامبور . بوندن طولانی بر
 شخص (حاکم) عنوانیه بر جهاتک اداره سنه یوللایور ، قاضی و رئیس نامنده علمادان
 ایکی ذاتی ده اوکا ترفیق ایدیور . بونلرک ترفیقندن مقصد حاکمک احوالی تدقیق
 اولدینی میدانده در . قاضی ایله رئیس ، حاکمک مخالف شرع شریف ، بر حرکتی
 کوروب عرض ایتمیکی کی حاکم در حال معزول اولور .

مع الاسف قاضی و رئیس افندیلرده حاکم ایله بالاشترک اهالینک مهداستراحتده

غنوده اولدقلرینی حضور امیره عرض ایدرلر . حال بوکه زواللی اهلینک اندیشه مظالم ایله کوزلرینه اوچو کیرمز . کذا بواج حکومت مأموری، رعیه نك دعی دیمومیت امیردن باشقه برشيله مشغول اولمادیغنی دربار امارتقاره بیلدیررلر . حقیقتده ایسه اهلینک آه و فریادی سکنه ملا اعلانک قولقلرینی صاغیر ایدم جک درجهده آسمان رسیده اولور .

بومظلومیندن بعضیلری، بزمده عادل و مشفق برپادشاهمز وار . کیدم ، بارگاه هایوننه عرض حال ایدمده بزی بو ظالمالرك الذین قورتارسین دییه پای تخنه مراجعت ایتسه بیله خائب و خاسر اولارق دونمکدن باشقه برشی الده ایدم . چونکه پیشه استبداد قوردلری ، امیر حضرتلرینک اطرافنی تماميله احاطه ایله مشلردر . اولنرك کوزینه ایلشیمه دن برعریضه نك منظور هایون اولماسی قابل دکدر . بلکه تقدیم ایدیلک ایسته نیلن برکاغدی یاری بولدن چه ویرتوب بیرتدیررلر و صاحبی یالانچیلقله بالاتهام دوکدورورلر . زواللی آدامجغز! یوردینه دوز واسکیندن زیاده مظلوم و مکدر اولارق اوطودور .

ا کر سز علما ، ظالم حاکمک احوال و حرکاتی سمع هایونه ایصال ایتسه کز بونلرك نام پادشاهی به اجرای مظالم ایتمکده اولدیغنی وسلطنت ظالمه نك (وماللفظالمین من انصار) آیت کریمه سی موجب نه بایدار اولامایه جغنی بیلدیرسه کز ایت معروضاتکز مقبول هایون اولور . لکن نه پاره که سز بخارا علماسی، دائما نفسانی هوساتکزله مشغول اولوب مسلمانلنک ترقیسنی و احکام الهیه نك تطبیق و اجراسنی قطعیا دوشونمورسکز . فقط صدد بختندن ایجه اوزاقلاشدق . مقصده کلهم . یکی میکتبک حرام اولدیغنه دائر باشقه دلیلکز وارمی ؟

م — ا کر بومکتب بخاراده اون سنه دوام ایدرسه بوتون مدرسه لر خراب و تدریسات قارما قاریشیق اولاجقدر .

ا — ا کر بوسوزدن مقصد ، بخارادن علم قالفار ، یاخود یکی مکتبدن چیقانلر تحصیل علمی کنه ، یاخود کفر صایارلر دیمکه باطلدر . چونکه اولجهده سوله دیکم وجهله بویه مکتبلر هندده ، بغدادده ، مصرده ، قافقاسده ، قازانده سنه لردن

بری دوام ایدوب کلنکده در. احوالی مسلمانلری ایسه بخارا اها لیسندن یک زیاده عالم اولدینی کی اعتراف کز وجهله هند مسلمانلری سزک همشیریلردن فضله متقی و متدیندر. اکر بخارایه مخصوص اولان اصول تدریس ده کیشیر، برینه باشقه بر ضرر قائم اولور، دیمک ایستیورسه کز بوندن عالم اسلامه نه ضرر ترتب ایدر ؟ طاهر المولوی

غزل

مستقیم ، صادق ، ناموس و عفت رهبرم
آدم اوغلی آدم اولقله مباحات ایلرم
ایلم قارون بی عرفان دهره سرفرو
نور عرفانم یتر آزاده سیم و زرم
دشمن جانم ریا کاران عصره تا ابد
اولامش آلوده دامنم حقیقت پرورم
عزت نفسم ، خدادان بر مقدس تحفه در
بن آئی اللهم طاهر کنورمک ایسترم
سن تواضع ایلمه ک . عالم تبصیر ظن ایدر
نار استغاده یانسون راضی یم بال و پریم
مدح و ذم عنده خاکی دایما یکساندر
قهرمان عرصه عزیم جهانده بن آدم .

رباعی

عالم بدان که جفت نمای مطلقمی . . .
دنیا که سر بر سر به الاغها طوبله نیست !
عالم برای آدم و دنیا برای خر
بکزین یکی که هر دو فایزده جمیله نیست ! . . .

امین خاکی